

**Orator Christianvs Caroli Regii E Societate Iesv**

**Reggio, Carlo**

**Romæ, 1612**

Inuehatur in omnia peccatoru[m] genera, & abusus. cap. 23.

---

[urn:nbn:de:hbz:466:1-68672](#)

nis modos per singulos, quanta possumus breuitate p̄adamus. Harum autem admonitionum attenta lectio poterit non mediocriter Concionatoris prudentiam adiuuare. Ad eandem Abusus duodecim. etiam rem videtur pertinere liber sive sit Cypriani, sive Augustini, sive alterius, qui est de duodecim saeculiabus, qui sunt. Prædicator sine operibus bonis; fenus sine religione; luuenis sine obedientia; Dives sine Eleemosyna; feminis sine pudicitia; Dominus sine fortitudine; Christianus contentiosus; pauper superbus; Rex sine Iustitia; Episcopus negligens; Plebs sine disciplina; Populus sine lege. Ex his suam prudentiam in loquendo, & industriam augere poterit Concionator.

In statibus que confundenda. Hæc de statibus dicta sint in quibus Orator Christianus, ut aptè, & cum fruētu loquatur, primò det operam ut cognoscat status ipsos, eorumque officia, & actiones proprias. Secundò vitia & peccata in quæ solent incurrere ut moneat corrigatque. Tertiò aduertat commoda vel incommoda, difficultates vel occasiones quæ insunt ad benè vel male vivendum, ut remedia præbeat. Quartò quæ sit corum necessitas, & utilitas, & præstantia in Republica Christiana. Quintò quæ virtutes in suis desiderentur & eas hortetur insequendas.

*Inuehatur in omnia peccatorum genera, & abusus malos. Cap. XXXIIII.*

Prudentia circa materiā. In via purgatiua. **C**VM in secunda parte ad tres vias totam huius facultatis materiam reuocauerimus, nunc pauca in singulis adiencia sunt, quæ ad prudentiam maximè faciunt. In via ergo purgatiua perpetuam cum vitijs pugnam ineundam sibi esse intelligat, omnisque belli machinas adhibendas, ut perditos homines, Deoque rebelles, & animæ sive hostes à dæmonum tyrannide, & æternæ damnationis discrimine erutos sibi ipsis, ac Deo restituat. Intelligat inter præcipuas muneris sui partes hanc esse collocandam, ut omnia peccata acriter & serio arguat, quod alibi à nobis est probatum. Nunc verò lubet aliquas peccatorum species enumerare, quæ ut frequentiores sunt, ita frequentius pro suggestu vrgebit. Non solum autem, arripere cum ea se se offert, occasionem oportebit, sed etiam ipse non oblatam captare, & inuenire studeat, cum enim ignis est accusus, & flamma diffunditur, an non vrget ipsa necessitas remedij adhibendi? & cum viget vis morbi, applicanda suo loco medicina, atque hoc docuit D. Paulus, cum monet instandum op-

portu-

portunè, & importunè. Huinsmodi peccata sunt Blasphemie<sup>z</sup> Peccata quæ  
in quæ magno animi ardore inuehatur, vt è Christiana Repu- maximè ar-  
blica tam indignum scelus deturbetur, Maledicta; frequens iu- guenda.

randi, atque adeo peierandi consuetudo, vt fecit de industria.  
B.Chrysoft. in plerisque homilijs, in quibus apparet quām se-  
riò, & quām efficaciter id sibi animo proposuerit, vt eā peni-  
tus è suo populo exterminaret; superstitiones, & maleficia,  
quæ mirum sit in tanto fidei Christianæ cultu reperiri, quasi ir-  
ruerent adhuc in animos tenebræ, & errores gentium; Collo-  
quia vana in templis, & irreuerentia, quam arreptis manu fla-  
gellis vel Christus ipse coaguit; opera carnis, in quibus vti-  
lues in cœno, tam miserè volvuntur tam multi; falsa testimo-  
nia, iniustæ, ac diuturnæ lites; fraudes mercatorum, & artifi-  
cum; Odia, & inimicitiae, turbulentissimi malorum omnium  
fontes, detractiones, infamiae, in quibus multi grauiter delin-  
quent; iudicia temeraria, cogitationes turpes, & morosæ, ef-  
frenata sensuum libertas, oculorum, aurium, tam frequentes  
quam perniciosi lingua<sup>z</sup> fœtus; otiosa vita præsertim iuuenum,  
id est sentina malorum, peruersa liberorum educatio; crapu-  
le, & ebrietates, amores lasciu*m*, familiaritates noxiæ, quæ im-  
prudentiam præsertim adolescentiam pessundant, ac perdunt;  
Mendacia, Vota non seruata, Inobedientia filiorum, parentum  
incuria in educatione liberorum; Verba lasciu*m*, Mercedes noni-  
solutæ, atque alia id genus multa, in quibus innumeræ homi-  
num multitudo miserè prostrata iacet, iam iam in Tartara  
ruitura. Quamobrem locos topicos, & communes tempestiu*m*  
in vnum congesisse oporteret, vt pro re nata Concionatori in-  
promptu sint scriptura<sup>z</sup>, exempla, testimonia, remedia, quibus  
grorum salutem oportunè subueniat, ne iam quo die se ad di-  
cendum parat; tunc supelle<sup>z</sup> tilem comparet; sed aliorum com-  
modo paratam producat, nec tunc authoritatum aciem, ac ra-  
tionum struat, sed in ipsa vitiōrum monstra iam satis bene in-  
structam educat. Inuehatur in depravatas aleatorum confue-  
tudines quæ inter ludendum, cum vitijs omnibus imbibuntur, Abusus in  
inficitur Comœdias lasciu*m*, cuiusmodi plereque sunt quæ  
nostris temporibus aguntur; Prudentia tamen sit in memor, nec  
publicè Principem, qui eas permittit accuset. Id vnum satis  
est si pericula aperiat; Reprehendat hominum inanes ornatus,  
mulierum fucos, & luxum in vestibus, conuiuijs, domibus, si-  
tim, & cupiditatem pecuniarum, ob quam plerique contra-  
fus usurarij, & iniusti fiunt, lasciu*m*, siue mulierum, siue pue-  
rorum,

Abusus in  
debet.

rorum, & virorum imagines . Prophanos libros eorumque letionem, cantilenas parum pudicas . In his vero inculcandis, vulgari quadam, communique doctrina contentus minimè sit, est enim minus efficax , nec concionem mouet , sed singillatim ad ipsa crimina descendat; fæditatem , ac damna ante oculos ponens , quanquam in rebus obscenis singulares actus describere , ne obiurgando quidem est tutum , ne depravata aures his abutantur , & castæ offendantur . Neque solum acriter incessenda vita , sed etiam respondendum est varijs hominum excusationibus , quibus ipsi suas conscientias fallunt . Aperiat itaque callidus Doctor fallacias, amoliatur impedimenta, ad hibeat remedia, quæ necessaria, & utilia iudicauerit .

*Occasiones peccatorum docent fugiendas.*

Cap. XXIV.

**N** Eque solum peccata , sed occasiones quoque peccatorum insectetur , siquidem occasionis hoc proprium est, vt matris instar peccatum generet, deinde quasi nutrit in sinu foueat, simul ac lactet . Contra huiusmodi occasionses para-

Loci argumen torum contra occasio nes . Scriptura au thoritas .

*Eccles. 3.* *Eccles. 10.* *Eccles. 42.*

*Prouer. 4.* *Num. 33.*

*Num. 6.*

tos habeat locos unde argumenta eliciat , ad earum fugam persuadendam . Subiectam paucos de multis, vt inde ad similia inuenienda aditus cuique aperiatur . Primo proponenda sunt sententiæ ex sacris literis , ex quibus appareat quanta sit in occasione vis ad ruinam , Nam qui amat periculum peribit in illo ; & qui fudit foueam (hæc est occasio parata ) incidet in eam, & qui dissipat sepe , mordebit eum coluber , solent enim inter spineta, ac vepres latitare serpentes . In medio mulierum noli commorari ; de vestimentis enim procedit tinea , & à muliere iniurias viri; Ne deleteris in semitis impiorum, nec tibi placeat malorum via , fuge ab ea, nec transeras per illam, declina, & descre eam . Ob id præcepit Deus, vt intrantes terram promissionis disperderent omnes inhabitatores terræ confringerent titulos, ac statuas comminuerent, vt hoc pa-

cto scelerum occasionem remouerent subdit si non abstuleri-

tis, erunt vobis clavi in oculis, & lanceæ in lateribus . Rursum Nazareis, qui lege iubebantur abstinere à Vino , simul ad tollendam occasionem interdixit ne vuas comederent , neque ipso recentes , neque passas, neque delibarent acetum , neque ipsum vuæ acinum gustarent , Præcepit vt ne , cum Idolum ar-

gentium comminuerent , ex illo argento vas vnum efficerent , quo